

蔡福州外紀

蔡福州外紀

下

蔡福州外紀卷五

倦游徐 勣編次

鹽城陳甫仲訂補

執談

蔡君謨娶余祖姑清源君而赴漳南幕余曾祖通儀
嘗贈之詩曰藻思舊傳青管夢哲科新試碧雞才乍
依仲寶蓮花幕更下溫郎玉鏡臺可謂佳句矣
方韻語陽秋 萬立

蔡君謨嘗書小吳箋云李及知杭州日市白集一部
乃為終身之恨郎基清慎無所營嘗曰任官之所本

枕亦不須作况重于此乎惟願令人寫書樊宗孟遺
之書曰在官寫書亦是風流罪過基答曰觀過知仁
斯亦可矣

蜀語陽秋

范仲淹貶知饒州余靖上疏論救尹洙請與同貶歐
陽修移書責司諫高若訥皆坐貶蔡襄作四賢一不
肖詩以記其事四賢謂淹靖洙修不肖謂若訥也其
詩播于都下士人爭傳寫之幣書者市之頗獲厚利
契丹使至密市以還後張中庸使北幽州館舍中有
寫襄所作詩并歐陽修書于壁者

仁宗政要

慶曆中蔡君謨自福建轉運使召為諫官時

福州作詩送行不記其破題後六句云好將公道口
去沃聖君心民困魚思水兵驕隼在林天涯一尊酒
不為別離斟

出呂原明雜記

王禹玉曰蔡君謨草詩有時平生戰地農情入春田
之句其言干教化非野火燒不盡春風吹又生之比

八閩通志

蘇子容云歐公不言文章而喜談政事君謨不言政
事而喜論文章各不矜其所能也

蘇氏談訓

蔡襄遊將軍山云赤日正停午解衣巖石下石泉殊
甘涼野籟亦瀟灑驚猿席嶺雲遺果墜庭瓦披軒忽

永歎幽抱不可寫

八閩通志

遊西門上溪云尋溪因過上溪遊雨後溪渾水亂流
因傍隄松卻飛蓋為聞山鳥輟鳴騶平日穠樾青雲
合滿屋芭蕉碧玉抽開濟無功須早去故時瓜隴有
通侯

八閩通志

慶厯初歐陽永叔張安道王素俱除諫官君謨以詩
賀曰御筆新除三諫官喧然朝野競相歡當年流落
丹心在自古忠良得路難必有謀猷俾帝右直須風
采重朝端世間萬事俱塵土留取功名久遠看三人
以其詩薦于上尋亦除諫官號為一棚鶴

揚州 推宋堂於端明蔡公君謨為友端明嘗有句
云堂中偕老百年婦膝下含飴五代孫蓋是時堂之
父寺評及其母年皆九十五六故云數文閣待制棐
堂之孫也 莆陽居士集

閩俗立春以蔬餅為節物蔡公襄立春寄福州燕司
封詩云春盤食菜思三九羅源林迥云青韭供盤餅
面圓 三山志

福州花園在牙門之西所謂春臺館是也歲二月啟
錦縱民遊賞常開一月與民同樂也蔡密學襄為郡
月有開花園詩云風物朝來好園林雨後清魚遊知

水樂蝶戲見春晴草軟迷行迹花深隱笑聲觀民聊
自適不用管絃迎又云節候近清明遊人已踏青挿
花穿戟戶沽酒似旗亭日向林間潤風回海氣腥未
知何處樂歸路已嚴扃

三山志

福州之俗春日州民踏青東郊尤盛多拾野菜煮臠
亦唐人杏粥榆羹之意也太守以暇日招僚屬登臨
蔡密學裏寒食游湖詩云山前雨氣曉才收水際風
光翠欲流盡處旌旗停曲岸滿潭鉦鼓競飛舟浮來
煙島疑相就引去沙禽好自由歸騎不令歌吹歇萬
枝燈燭度花樓

三山志

福州四月八日州民慶佛生日居民所在與僧寺共
為慶讚道場蔡密學襄為州日有四月八日西湖觀
放生詩此風蓋久矣 三山志

福州九仙山有四微亭蔡公襄詩云偶爾尋春上翠
微遊人啼鳥似前期花間行印露沾紙山下放衙雲
滿旗艷艷舞衣朝日處飄飄商櫓落潮時傳杯且與
乘春醉身世悠悠兩自遺後建九仙觀亭始廢 三山志
長樂靈峰院有石洞嘗見龍乘雲而歸號龍龕山蔡
密學詩云天柱支南極蓬山壓巨鰲雲崩石道險朝
落海門高客館聞鼉鼓秋風憶蟹肥凭闌望鄉樹千

里楚江臯縣令董淵和云礪硤彌沙界豁舒洞天
門鄰金布地橋枕玉鳴泉庭鶴歸迷主龕龍去失年
掃雲嫌俗駕題壁記詩仙勝景無今古居人有後先
不知道者馭誰見海為田

三山志

福州東山有榴花洞唐永泰中樵者藍超遇白鹿逐
之渡水入石門始極窄忽豁然有雞犬人家主人曰
吾避秦人也留卿可乎超云欲與親舊訣乃來遂與
榴花一枝而出恍若夢中既而尋之不知所在蔡公
襄為郡日尋其故址效南陽劉子驥故事竟覓不得
自作詩云洞裏花開無定期落紅曾見逐泉飛仙人

應向青山口管卻春風不與歸

閩中實錄

福州九仙山西南有清風樓蔡公為郡日時登其上
題詩云郭外清溪溪外山溪雲飛上破山顏晴明天
氣琉璃色何處峯頭帶雨還

三山志

慶歷六年蔡正言襄初春野亭自書亭額題詩云太
守職名治詔書勸吾農載酒事緬邈作室當廨中况
憑軒檻高中視田野功澹池沐新澤依微生柔風江
朔漲晚綠山麓延朝紅畊鋤時節動歌語聲意通漸
非其理財事遇頻年豐未厭獻政樂駕言隨相從此
可見命名之意也後有蘇舜欽劉瑾范伯玉吳拭陳

粹詩各一篇有曰翰林遺叔久傾墮又曰鏤額奇蹤
蔡翰林知亭公所瓶額公所書也 三山志

韓獻肅公守成都時蔡君謨與之書曰襄啟歲行甫
新魯鈍之貴日益衰老雖勉就職務其于精力不堪
勞苦念君之生相去旬日如聞年來補治有方當愈
強健果如何哉襄于京居尚留少時佇君遂軫伸眉
一笑傾懷之極今因樊都官西行奉書問動靜不一
一襄止子華端明閣下此帖語簡而情厚初無寒溫
之間寢食之祝頌德之佞也今風俗日以偷薄士大
夫之猥浮者于尺牘之間益出新巧習慣自然雖有

先達篤實之賢亦不敢自拔以速嘲罵每貽書多至
十數紙動稱某號又稱某翁官階僭觀恬不以為耻
言語不情誠意掃地觀此其少愧乎

容齋隨筆

公為福州守偕蘇才翁遊靈源洞洞中題名石壁有
詩云郡樓瞻東方嵐光瑩人目乘舟逐早潮十里登
南麓雲深翳前路樹暗迷幽谷朝雞亂木魚晏日明
金屋靈泉注石竇清吹出篁竹飛毫劃削壁勢力忽
驚觸捫蘿躋上峰大空延眺矚孤青浮海山長白挂
天瀑况逢肥遯人性上自幽獨西景復向城淹流未
云足

三山志

蔡君謨嘗書小吳箋云李及知杭州市白集一部乃
為終身之恨此君殊清節可為世戒張乖崖鎮蜀當
遷時士女環左右終三年未嘗回顧此君殊厚重可
以為薄夫之檢押此帖今在張乖崖之孫堯夫家予
以為買書而為終身之恨近于過激苟其性如此亦
可尚也

沈存中夢溪筆談

晏元獻公作相因雪設客歐陽文忠公輩在坐時西
方用兵歐公有詩云可憐鐵甲冷徹骨四十餘萬屯
邊兵次日蔡襄遂言其事晏坐此罷相公曰唐裴度
作相亦曾邀文士飲如退之但作詩云園林窮勝事

鐘鼓樂清時幾曾如此合開

庚鯖錄

沙隨先生嘗蓄一歛硯後有蔡忠惠題詩云玉質純
蒼理緻精鋒銳都盡墨無聲相如聞道還持去肯要
秦人十五城後以送汪書李路又汪書寓三衢以五
十得一硯後刻東坡銘云東坡硯龍尾石開鵠卵見
蒼壁與居士同出入更寒暑就燥濕今何者獨先逸
同參寥老空寂二硯皆佳物也遊宦紀聞
公守福州登釣龍臺達觀亭詩云峭峻釣龍石飛亭
厭其端擴徹四無際因之名達觀攀雲躋大庭仙路
何紆盤秋明澄遠綠晚霽凝新寒城郭煙火稠水陸

漁樵安偶暇按閩俗適遊心意歡鳴絃俯清流對酒
環蒼山重拂衣襟淨從帶夕嵐還

三山志

公送荔支與昭文相公帖云裏再拜宿來伏維台候
起居萬福閩中荔支惟陳家紫號為第一輒獻左右
以申野芹之誠幸賜收納謹奉手狀上聞不宣

公遊靈峰院詩云天柱支南極蓬山壓巨鰲雲崩石
道險潮落海門高客館聞鼙鼓秋風憶蟹螯凭欄望
鄉樹千里楚江皋

三山志

蔡君謨自諫省出守福州梅聖俞賦古劍篇送之云
生銅夜夜鳴剡鑊未嘗缺主人久提攜何事贈離別

借問豈酬恩請看鐔上血休慙補履功出處異設施
宛陵文集

仁宗正月十四日御樓遣中使傳宣從官曰朕非好
遊觀者與民同樂蔡襄應制詩云高列千峰寶炬森
端門方喜翠華臨宸遊不為三元夜樂事還同萬衆
心天上清光留此夕人間和氣閣春陰要知盡慶華
封祝四十餘年惠愛深同時賦者紛紛惟蔡為絕倡
西湖詩話

公遊九鯉湖詩云何嶺巍我欲挿天回頭人與白雲
連桃花不點尋常路從此依稀度九仙
九鯉湖志